



UNIVERSITÄTS-  
BIBLIOTHEK  
PADERBORN

## **Arbor Vitæ Sive Vita Et Doctrina Christi**

Ex Quatuor Evangeliiis In Meditationes Quotidianas Velvti Totidem Ramos  
Distributa

**Illsung, Jakob**

**Dilingæ, 1693**

Meditatio CCLXIV. Continuatio ejusdem Elogij.

---

[urn:nbn:de:hbz:466:1-60727](https://nbn-resolving.org/urn:nbn:de:hbz:466:1-60727)

*Et non erat aspectus, Et desideravimus eum: Despectum, Et Novissimum Virorum. Et Ps. 21. Ipse de se loquitur: Ego autem sum Vermis, Et non homo, opprobrium hominum, Et abjectio plebis.*

## MEDITATIO CCLXIV.

### *Continuatio eiusdem Elogij.*

Matth. 11. à. v. 12. & Luc. 7.

**P**UNCTUM I. Christus confirmans, S. Joannem maximum Prophetam fuisse, probat id ex potentia sermonis, quo homines ad Pœnitentiam, & ad seriam vitæ emendationem prædicatione Regni Cælorum jam appropinquantis & proximè per Christum aperiendi, convertit. *A diebus autem Joannis Baptistæ (quibus prædicavit Baptismum Pœnitentiæ) usque nunc Regnum Cælorum vim patitur; Et violenti rapiunt illud.* Matth. 11. v. 12. Sive ut aliàs Christus apud S. Lucam c. 16. v. 16. inquit: *Lex Et Prophetæ usque ad Joannem; ex eo Regnum DEI evangelizatur, Et omnis in illud vim facit.* Considera, si ab initio statim, postquam cessaverunt prædicari Vaticinia Legis antiquæ, & Prophetarum de Christo ut primùm futuro, ad Prædicationem Joannis de Eodem ut jam præsentem, multi homines sibi ipsis vim intulerunt, ut per Pœnitentiam, & vitæ emendationem Regnum Cælorum ad se raperent, id est, magno suo conatu & victoriâ suarum pravarum cupiditatum sibi promererentur; quantam à te oporteat vim tibi inferri, & non remissè, nec languidè, nec indulgenter agi, ut Regnum Cælorum obtineas, postquam illud jam

referatum, & ipsius Christi Prædicatione, Exemplo, eumque sequentium multitudine ostensa, trita, ac complanata est? Sine violentia, Victoria sui, nec Virtutes, nec Regnum Cælorum Virtutibus debitum, obtinetur: ideo Christus apud Joannem in Apoc. c. 2. v. 7. inquit: *Vincens dabo edere de ligno Vitæ, quod est in Paradiso DEI* mei, rursum v. 11. *Qui vicerit, non laedetur à morte secunda* scilicet æternâ post temporalem. Et iterum v. 12. *Vincenti dabo Manna absconditum, & dabo illi Calceamentum candidum*: qui scilicet suffragetur ipsi, ad Regnum Cælorum illi adjudicandum.

PUNCT. II. Pergit Christus de S. Joanne dicere: *Si vultis recipere, ipse est Elias, qui venturus est* Matth. v. 14. Quemadmodum enim Elias præcedit secundum Christi Adventum; ita Joannes Baptistæ præcedit Primum; prout Angelus Patri ejus prædixerat. Luc. 1. v. 17. *Ipsæ præcedet ante illum in Spiritu, & Virtute Eliæ.* O quot Elias Spiritu ferventi Virtutibus illustres, tibi DEVS jam misit, quorum tamen Doctrinam & Virtutum Exempla non didicisti! Utinam non sis unus ex generatione illa de qua nec Joannem, nec Christum ipsum recipite, Servator noster mox similitudinem istam subiungit. Matth. v. 16. *Cui autem similem estimabo generationem istam? Similis est pueris sedentibus in foro, qui clamantes coequalibus dicunt: Cecinimus vobis, & non saltem lamentavimus, & non planxistis.* Id est, Verbo Exemplo vos hortati sumus, & diximus: *Lætamini in Domino, & exultate Justi, & gloriamini omnes recti corde.* Pl. 31. v. 11. Et vicissim: *Accingite cilicij, plangite, & ululate; quia non est aversa ira furoris* Domini

*Domini à vobis.* Jerem. 4. v. 8. Sed nec placuit experiri exultationem animi in Domino, quâ fruuntur justi ac perfecti: nec dulcedinem, ac suavitatem, planctus, per Opera Mortificationis & Pœnitentiæ.

PUNCT. III. Laudi S. Joannis addit Christus, & ostendit, etiam homines Sanctos non posse evitare sinistra de se judicia, ac sermones: *Venit enim Joannes neque manducans, neque bibens, & dicunt: Demonium habet. Venit Filius Hominis manducans & bibens, & dicunt: Ecce homo vorax, & potator vini, publicanorum & peccatorum amicus.* Matth. v. 18. Non cures ergo & tu, si alij de te sinistrè sentiant, & loquantur, & rectè dicta, vel facta in malam partem interpretentur. Audi, quid S. Paulus de hominum judicijs dicat. 1. Cor. 4. v. 3. *Mihi autem pro minimo est, ut à vobis judicer, aut ab humano die.* Et ad Galat. 1. v. 10. *An quero hominibus placere? Si adhuc hominibus placerem, Christi Servus non essem.*

## MEDITATIO CCLXV.

### *De Pœnitentia Magdalena.*

Luc. 7. v. 37.

PUNCTUM I. *Rogabat autem illum quidam Phariseus, ut manducaret cum illo. Et ingressus domum Pharisei discubuit. Et ecce mulier, quæ erat in civitate peccatrix (Aliqui existimant, hoc adhuc in civitate Naim, ubi Christus filium Viduæ resuscitavit, gestum esse: Aliqui verò censent, in civitate Magdalo id contigisse, ubi Magdalena ante suam Conversionem habitavit)*